

Naslov: Osnovci s Hrida apsolutni pobjednici BH Telecom fudbalske lige

Home: U Centru za mali fudbal na Bentbaši jučer je odigrano posljednje, 15. kolo, BH Telecom fudbalske lige za starogradske osnovce...

Tekst: U Centru za mali fudbal na Bentbaši jučer je odigrano posljednje, 15. kolo, BH Telecom fudbalske lige za starogradske osnovce. Ove sezone je izostala neizvjesna završnica poput one iz prošle godine kada je u velikom finalu OŠ „Edhem Mulabdić“ u posljednjem kolu savladala OŠ „Mula Mustafa Bašeskija“ i time postala prvak Lige. Već znamo da je OŠ "Šejh Muhamed ef. Hadžijamaković", još u 13. kolu matematički osigurala naslov, pa su jučerašnji mečevi imali više revijalan nego takmičarski karakter. Koliko su mladi fudbaleri sa Hrida ove sezone bili nadmoćni pokazuje i jučerašnja pobjeda od 5:0 nad prošlogodišnjim prvakom OŠ „Edhem Mulabdić“. Ipak i pored teškog poraza u ovom posljednjem kolu, OŠ „Edhem Mulabdić“ je takmičenje završila na drugom mjestu. Mladi fudbaleri sa Bistrika su imali su isti broj bodova (24) kao i OŠ „Vrhbosna“, koja je jučer također pretrpjela poraz 0:1 od OŠ „Hamdija Kreševljaković“, međutim zbog bolje gol razlike takmičenje su završili kao drugoplasirana ekipa. OŠ „Saburina“ je sezonu završila bez ijednog osvojenog boda, a poraženi su i u ovom posljednjem kolu sa visokih 0:8 od OŠ „Mula Mustafa Bašeskija“. Kako tradicija nalaže za Dane Općine Stari Grad, jučer je načelnik Ibrahim Hadžibajrić uručio nagrade najuspješnijim fudbalskim ekipama i pojedincima, ali i najuspješnijim odbojkašicama, čija se Liga završila početkom marta ove godine. Prvo mjesto BH Telecom fudbalske lige osnovnih škola Starog Grada za sezonu 2015/2016 osvojila selekcija OŠ "Šejh Muhamed ef. Hadžijamaković", a slijedila im je diploma, pehar u trajno vlasništvo i prelazni pehar. Diplomom i peharom dobila je i drugoplasirana selekcija OŠ „Edhem Mulabdić“ kao i trećeplasirana OŠ „Vrhbosna“. Ekipa koja je pokazala najbolje fair - play ponašanje je OŠ „Hamdija Kreševljaković“, za što su dobili diplomu i pehar. Stručni žiri izabrao je i najbolje pojedince Lige. Najbolji strijelac lige je Pojata Aldin iz OŠ „Šejh Muhamed ef. Hadžijamaković“, a dobio je diplomu, pehar i vaučer od Komisije za sport Općine Stari Grad. Najbolji golman takmičenja Borovac Armin iz OŠ „Hamdija Kreševljaković“, također je dobio diplomu, pehar i vaučer od Komisije za sport Općine Stari Grad, a iste nagrade je dobio i najbolji igrač lige Dževlan Bakir iz najbolje ekipe prvenstva OŠ „Šejh Muhamed ef. Hadžijamaković“. Ove godine su službena lica Fudbalske lige izabrali pojedinca koji je iskazao primjereno ponašanje i na terenu i van igrališta. To je igrač koji je dvije godine prisutan u ovom takmičenju, a da nije niti jednom prigovorio niti na jednu sudijsku odluku, te je primjer poštovanja prema igri i suđenju, kao i respekta prema suigračima i protivnicima. Općina Stari Grad od samog početka insistira na fair - playu, i to je razlog što se najboljem pojedincu uručila i najbolja nagrada. Sjenar Armin iz OŠ „Vrhbosna“ je dobio diplomu, pehar, vaučer i grafiku akademskog slikara Irfana Hoze, te nagradu pod nazivom ASIM FERHATOVIĆ HASE.

Nagrade su jučer primile i najbolje odbojkaške ekipe i odbojkašice. Diplomom i peharom su dobili: prvoplasirana OŠ „Šejh Muhamed ef. Hadžijamaković“, drugoplasirane odbojkašice OŠ „Mula Mustafa Bašeskija“ i trećeplasirana OŠ „Hamdija Kreševljaković“. Odbojkašice OŠ „Vrhbosna“ su pokazale najbolje fair-play ponašanje, te su za to i dobile diplomu i pehar. Stručni žiri na čelu sa proslavljenim odbojkašem gosp. Ekremom Lagumdžijom izabrao je šest najboljih odbojkašica Lige, a iste su dobile diplome i kompletne knjige različitih autora. Najbolje odbojkašice su: Amila Turković (OŠ "Šejh Muhamed ef. Hadžijamaković"), Samra Mahović (OŠ "Šejh Muhamed ef. Hadžijamaković"), Emina Šopović (OŠ "Mula Mustafa Bašeskija"), Naida Pita (OŠ "Edhem Mulabdić"), Dženita Hamza (OŠ "Hamdija Kreševljaković") i Lejla Dervišević (OŠ „Vrhbosna“). Općina Stari Grad je pored već

pomenutih nagrada obezbijedila i glavnu nagradu za prvoplasirane ekipe, a to je odlazak na dvodnevni izlet u Dom Šumarskog fakulteta na Igmanu od 14. do 15. maja 2016. godine.

Rezultati 15. kola BH Telecom fudbalske lige osnovnih škola Starog Grada

OŠ "SABURINA"	0 : 8	OŠ "MULA MUSTAFA BAŠESKIJA"
	0 : 1	OŠ "HAMDİJA KREŠEVLJAKOVIĆ"
OŠ "VRHBOSNA" OŠ "E.MULABDIĆ"	0 : 5	OŠ "ŠEJH MUHAMED EF.HADŽIJAMAKOVIĆ"

TABELA BH Telecom fudbalske lige osnovnih škola Starog Grada

1	Šejh Muhamed ef.Hadžijamaković	15	13	1	1	53:9	40
2	Edhem Mulabdić	15	7	3	5	18:16	24
3	Vrhbosna	15	7	3	5	23:22	24
4	Mula Mustafa Bašeskija	15	6	3	6	27:17	21
5	Hamdija Kreševljaković	15	5	4	6	19:20	19
6	Saburina	15	0	0	15	10:65	0

3. mjesto Odbojkaške lige:

Selekcija OŠ "Hamdija Kreševljaković"

(diploma i pehar)

2. mjesto Odbojkaške lige:

Ekipa OŠ "Mula Mustafa Bašeskija"

(diploma i pehar)

1. mjesto BH Telecom odbojkaške lige osvojila je

Selekcija OŠ "Šejh Muhamed ef. Hadžijamaković"

(diploma i pehar)

Ekipa koja je pokazala najbolje fair - play ponašanje je

Reprezentacija OŠ "Vrhbosna"

(diploma i pehar)

Stručni žiri na čelu sa proslavljenim odbojkašem gosp. Ekremom Lagumdžijom izabrao je 6 odbojkašica u prvu M.V.P. postavu odbojkaške lige:

AMILA TURKOVIĆ (OŠ "Šejh Muhamed ef. Hadžijamaković")

SAMRA MAHOVIĆ (OŠ "Šejh Muhamed ef. Hadžijamaković")

EMINA ŠOPOVIĆ (OŠ "Mula Mustafa Bašeskija")

NAIDA PITA (OŠ "Edhem Mulabdić")

DŽENITA HAMZA (OŠ "Hamdija Kreševljaković") i

LEJLA DERVIŠEVIĆ (OŠ "Vrhbosna")

(diplome i kompleti knjiga različitih autora)

Za najbolju odbojkašicu BH Telekom lige u sezoni 2015/2016 Stručni žiri proglašava:

AMILA TURKOVIĆ (OŠ "Šejh Muhamed ef. Hadžijamaković)

(pehar i diploma)

POBJEDNIČKE EKIPE I NAJBOLJE POJEDINCE FUDBALSKE LIGE

3. mjesto Fudbalske lige:

Selekcija OŠ "Vrhbosna"

(diploma i pehar)

2. mjesto Fudbalske lige:

Ekipa OŠ "Edhem Mulabdić"

(diploma i pehar)

1. mjesto BH Telecom fudbalske lige osnovnih škola Starog Grada za sezonu 2015/2016 osvojila je

Selekcija OŠ "Šejh Muhamed ef. Hadžijamaković"

(diploma, pehar u trajno vlasništvo

i prelazni pehar)

Ekipa koja je pokazala najbolje fair - play ponašanje je

Reprezentacija OŠ "HAMDIJA KREŠEVLJAKOVIĆ"

(diploma i pehar)

Stručni žiri je izabrao najbolje pojedince lige Lige:

Najbolji strijelac lige je:

POJATA ALDIN

OŠ "Šejh Muhamed ef. Hadžijamaković"

(diploma, pehar i vaučer(darovala komisija za sport OSG))

Najbolji golman:

BOROVAC ARMIN

(OŠ "Hamdija Kreševljaković"(diploma, pehar i vaučer(darovala komisija za sport OSG))

Najbolji igrač Lige je:

BAKIR DŽEVLAN

OŠ "Šejh Muhamed ef. Hadžijamaković"

(diploma, pehar i vaučer(darovala komisija za sport OSG))

Službena lica Fudbalske lige su izabrali pojedinca koji je iskazao primjereno ponašanje i na terenu i van igrališta. To je igrač koji je dvije godine prisutan u ovom takmičenju, a da nije niti jednom prigovorio niti na jednu sudijsku odluku, koji je primjer poštovanja prema igri i suđenju, respekta prema suigračima i protivnicima. Općina Stari Grad od samog početka insistira na fair - playu, i to je razlog da se najboljem pojedincu uručuje i najbolja nagrada

Diplomu i grafiku akademskog slikara Irfana Hoze, nagrade pod nazivom ASIM FERHATOVIĆ HASE, u sezoni 2015/2016 je osvojio igrač OŠ "Vrhbosna"

SJENAR ARMIN

(diploma, pehar i vaučer(darovala komisija za sport OSG))

SVE NAGRADE JE URUČIO NAČELNIK OPĆINE STARI GRAD MR. IBRAHIM HADŽIBAJRIĆ.
**TAKOĐER NAPOMINJEMO DA JE OPĆINA STARI GRAD OBEZBJEDILA DA GLAVNA NAGRADA
ZA PRVOPLASIRANE EKIPE BUDE ODLAZAK NA DVODNEVNI IZLET U DOM ŠUMARSKOG
FAKULTETA NA IGMANU I TO 14.05.-15.05.2016.GODINE.**